

以水一、火二、木三、金四、土五爲權衡矣。倘逢生則倍而增，逢剋則倍而減。如弱土寄水，未必五不變一；乾木寄火，未必三不變二；旺水寄木，未必一不變三；燥火寄土，未必二不變五。蓋亦在其位謀其政之義也。

## 限度

耶律楚材云：一生得失，總在行度。其詔我哉，命宮猶家，限度猶寓。試以家北而寓南者譬之，其家遭水火，其寓遭水火，一及身，一不及身，其緩急迥不侔矣。現行之度，有星無星，總須察其與當生何吉星有關會，何凶星有關會。當生吉星滿用，主行此星之度之年，定見榮華；當生凶神有力，主行此星之度之年，立看凋落。原吉凶星頂度，又當以情之輕重，分禍福之大小，其理至微，所當經究。一甲年四月生人，一十年二月生人，同行戌宮，奎木度，奎木上同坐金星，甲生人以金爲傷官，遂致仕途屢跌；壬年人以金爲正財，遂致官級聯陞。一辛年十一月生人，一辛年十月生人，同行丑宮，斗木度，度爲天官，十一月生人，正財火星在箕，太陽雖在尾，火度與太陽不通，僅中進士，甚矣度之所繫爲切且要也。度固因太歲填沖釣而彌動，其初入度將出度之時，尤與尋常不同。

## 剋度

剋度之說，所謂緯剋經也。如金躔木度，木躔土度，是已。倘有水火沖釣，可以救解，然亦難免刑耗病疾、火盜官非等事。若帶刃煞來剋流年，又逢剋度之星，殺刃之類，死更速耳。木躔金度，火躔水度，便是經剋緯，似乎稍輕。然有刃煞如臨者，亦死。若度上刃煞俱佔，不拘相生之度皆死。刃度逢煞，煞度逢刃，緯剋經固重，經剋緯亦不輕。行度至此，其害立覩。如限入刃鄉，度又爲煞，謂之凶會臨，出限之年亦死。至于水字同經，行水度即危；又如限行木度，木登木殿，遇流氣來剋，太歲刃煞又至其宮，亦危。若木剋火官，不過洩氣而已。其災自減，要而論之，不問坐命何宮何度，但一歲之中，只看限行至何度爲準。雖係天官，既是剋度，亦任中間擢而亡，或得之亦不可久。命主所泊之度，尤怕剋破，在後剋破猶輕，在前剋破更重。行至剋破之度，未及所剋之度數，猶輕；已過所剋之度數，更重。然亦須因時度令，木宿遇金，春林愈茂；火宿逢水，夏生不畏，金值火來，秋生無碍；水宿見土，冬月反美。士歸四季，會木何懼。

## 流年

小限之謬，乃俗夫所爲。流年吉凶，全看內會外會。流星與原守相會，謂之內會；流星自來會合，謂之外會。如火爲命主，則火星流行，便是命主流行；火星流躔水度，犯原水星，即爲內會；遇流水星，即爲外會。水又是刃煞，三方無救，多凶。若原火本被水剋，限度又是火，縱不犯原水，但遇流水，不必是刃煞，亦災。如火爲命主，正喜其犯原水，遇流水，以其能制之也，故須活看。假如甲年生人，天官辛氣，躔卯宮亢度，限行至辰度，亦七無度，足以暗耗天官，幸有流木到度，則丙太能制庚水。若流土到度，則戊土反生庚水。又如天官流氣入午傷官，丁金在戌之奎，現行奎度，奎半屬官，本是官度坐傷，又三方見流官，不吉孰甚。卻有流新到奎，則丁金方受癸羅之制，豈能戕官，迨自奎行躔壁，乃煞度，正喜丁金之制庚水，而偏以癸羅到奎之故，使丁金無暇及煞，而煞勢猖獗，遂至奪官。此亦見移步換形，必不可膠柱而鼓瑟也。太陽君象，須用

太陽照命宮無益。照大限有濟。到大限不如在四正。照在四正不如在三方。照在三方又不如在對宮。照太歲於填沖釣之外。尚有逐欄二法。如限在寅丑年可逐寅也。丑宮無星。即子年亦可逐。卯年可逐寅也。卯宮無星。即辰年亦可逐。

## 形氣

七政者天之有形也。形者人之所由成也。而氣即寓乎其內。形可見而氣不可見也。然可見者必有不可見者。以爲之宰。以故形氣交孚。天星與人命妙合。形氣自相流通。吉凶瞭如指掌。有形吉而氣凶者。有形凶而氣吉者。均不可泥形而遺氣焉。試思最近大圖者。莫如恆星。次之土。次之木。次之火。次之太陽。次之金。次之水。最卑爲月。以形而論。則高下之距實大懸殊。向非有氣以主之。何以各繫于天而不墜。又何以天道左旋。諸曜皆能右轉也。以是知氣雖渺冥恍惚。實則周渙旁皇。人受陰陽五行以生。亦何時何刻。不與十一曜默默相融貫乎。耶律楚材云。各星俱合格。限度無貴氣。所屬終難大伸。各星俱落陷。限度非辰氣所歸。何至大屈。即有此限度。太歲尙不沖釣。亦將從緩。是誠識氣之奧窔也。善觀命者。不視形而審氣。氣有清濁。則命分貴賤。氣有明暗。則命分窮達。氣有厚薄。則命分大小。氣有順逆。則命分夷險。氣有善惡。則命分賢奸。氣有促舒。則命分壽夭。若徒以形而已。則四餘欄月。五曜環陽。爲格中之最巨者。豈皆人人富貴乎。試舉一二以例其餘。一康熙庚申甲申癸亥生人。月在子之虛。字在卯之氏。氣在西之胃。計在戌之室。羅在辰之翌。是四餘欄月矣。木在申之畢。火在未之井。五土在未之井。十六金在午之柳。四日在午之柳。十一水在巳之張。是五曜順生而環陽矣。木爲文爲煞。火爲偏財。土爲偏印。金爲天官科名。水爲魁爲元祿。金水貴氣所歸。作陽引從。又遞生至金水而住。若金水作命主。豈不大顯。彼立命於戌。以火爲命主。甚遠於陽。僅受文本之生。又帶煞氣。故於斗本文度內鄉薦。厥後屢膺保題而不用。用亦僅以教職。譬之地脈。乃過龍非結穴也。一康熙辛卯庚子壬辰寅生人。月在亥之危。字在申之昂。氣在申之特。羅在丑之斗。十八計在未之井。是四餘欄月矣。土在午之柳。金在卯之氏。水在寅之尾。十五木在丑之斗。三火在丑之斗。四日在寅之尾。十一是五曜順生而環陽矣。土爲正印。金爲科名七煞。水爲劫財。木爲天官。火爲正財。遞生至火而住。立命於卯。以火爲命主。火獨受天官之生。而陽又在火躔。正如地脈結穴之所也。木屬銓部。行至翌火。不滿三十歲。遂作少宰。合此二命觀之。全憑氣之作用。而非局局於形者。所能窺其萬一也。

## 餘論

是書成。而星命之理昭然可觀矣。然亦有書不盡言。言不盡意之憾。所望好學深思者。闢彼邪說。循此正。規引而伸之。觸類而長之。蓋入微之旨。可以意會。不可以言傳。若必欲一一遍及焉。雖累牘盈編。豈有覺乎。

黃赤俱差。甚至前後易次。皆宿距星。漢測距參二度。唐測一度。宋崇寧測半度。元郭守敬測五分。明測之。不啻無分。且侵入參宿二十四分。故舊法先皆後參。今不得不先參後皆也。

羅喉計都生於日月交行謂之天首天尾。中法以天首屬羅天尾屬計。西法改而易之。遂以羅爲尾計爲首。爰自利瑪竇等入中土。與明宰輔徐光啟等所裁定。後有作者。皆莫之及。應不可輕議。初更恆星之行。即古歲差之度。古謂恆星千古不移。而黃道之節氣。每歲西退。西法則謂黃道終古不動。而恆星每歲東行。山今考之。恆星實有動移。其說不謬。故各宮皆有歧度。如角十度辰卯。房初度卯寅之類。數十年後。歧者便當盡移。須逐年換查。一以欽天監七政經緯躔度書爲準。不可草率遷就。

太陰每日皆從子正起。如初一註女二。初二註虛四。初一子時在女二。丑時即在女三。寅時即在女四。換查至亥時當在虛三。則初二子時便在虛四矣。一日之行常不止十二度。再分派於各時可也。每度六十分。日與木如同在卯宮。氏十。孰先孰後。必須辨明。日每日行六十分。木或六日行六十分。生人在午時。日已及三十五分。木自前三日至後三日。纔行盡氏十。則本日午時。只及二十五分有奇。是日前而木後也。有另立異說者。如一命三月初一卯時生。命在戌。躔奎。其奎躔轉流行於卯。是奎在戌。乃其空名。奎在卯。正其躔跡。安用此宮度爲。不知奎既流卯。而亥子丑等十一宮。未嘗不從流卯之戌上。循次排列也。其理仍不外此。又何必立異以鳴高乎。

沖鈞之間。正須詳看。如甲生人。官辛氣在卯。亢正財。巳。月在西婁五。天官雖躔傷。卻與正財同經。傷方生財。生官。七煞庚水在西婁三。雖旁正財。卻躔傷而稍受制限。行至婁二十一。十九八七六五等度。正財衝對生官。官場極順。及行過婁五。遂在正財之後。與七煞密邇。而正財且生煞。宜乎順中稍逆。一星常有數用。即以日論。日君象亦父象。立命于午。即命主。立命于子。即妻主。立命於戌。即男女主。立命于申。即兄弟主。或化文。或化魁化刃。每有行一度而吉凶參半者。亦宜此不宜彼。宜彼不宜此之故。且吉中或微帶危機。凶中或偶挾貴氣。即一用之中。亦有不同。所當細爲查參。

分金刻度。先天五行。皆節外生枝。在所宜闢。

天盤地盤竹羅三限等。固屬謬說。即華羅五星。出自周述學。亦牽合無理。均宜廓清。

西法推算。自謂獨開生面。但其所言。如某星在某方。喜殺人。生人。某星在某方。好戲好色。何粗鄙乃爾。嘗取天步真原一書試之。從不一驗。亦宜屏棄。

果老星宗。琴堂指金。神道大編。望斗仙經。星學綱目。星學源流。歷府大成。星學大成等書。所載正五行甚詳。但僅合此理十之一。

耶律神數。元星樞要。元星出入天官經等書。皆命理正宗。集中已將精華採取。不復全錄。

歲在鶉火。而武王克商。歲在實沈。而晉文得位。淫於佞。而裨竈知楚子之將死。星見大火。而梓慎知宋之將災。他若五星聚東井。而漢王入關。彗掃之。而符秦滅。四星聚牛女。而晉元王。吳景星見箕尾。而慕容垂復燕。分野之說。原非無稽。但事關軍國之大。始可取證。若止一人一身。在心尾。則以爲宜遷宋燕。在虛危。則以爲宜遷齊衛。又何以爲終身不去其鄉。及數十年仕在一方者解也。

子平原有至理。但前六十年某月某日某時。出一大貴人。後六十年仍有此八字。其人卻與前迥異。及查



閱五星果宜高下懸絕則子平似稍遜五星一籌。

子平爲體五星爲用體同而用異此前後六十年八字相同而五星各異也然體用一理終不可詳用而略體格局皆形也宜參形中之氣如四餘在西北五星同目在東南太陰入西北即四餘闕月五曜環陽太陰入東南即四餘包七政文東武西每每至兩三月皆如此其賤作奴隸者亦多矣乃一見便以爲大格局即許以宜尊顯何愚昧至此。

何謂七曜相照之光多少不同日前後光十五度月一十二度土木火各九度金水各七度假令火迫逐土相離七度則二星沾光呼爲相會若星光度數均者相會則各星度數減半同沾光若星光度數多少不同者初會時度數多者先沾光少者光未沾及少者度數相及則二星同沾光爲正會凡二星同度爲相會但遇一分爲相離雖相離力尙在爲二星後光未盡也若二星相會後相離一分或二分卻再有一星在後追及星雖未到光已相沾即與後星又爲初會此論經度則然若在緯度或黃道南或黃道北更重如二星緯度同經度亦同則下星能掩卻上星故相會爲尤緊且此二星相會後一星前去追及一星即將先會星光移向後相會之星假令二星東出度數與對黃道的赤道度數相同如亥宮二十五度與戌宮五度同或二星在兩處日長短同如一星在中宮二十五度一星在未宮五度亦呼爲相遇又如火星在戌宮木星在巳宮金星在申宮金離火迫及木卻將火之光移向木星似火與木亦爲相遇謂金先與火六合照後與木相弦照也又火星在戌宮太星在巳宮土星在申宮土與火六合照與木相弦照上將木火二星光聚於一處亦爲相遇若一星在本宮又在分定數上與一星或三合或六合或對衝二星相照主星即受相照之星之榮落。

何謂政餘類聚乃水與木與氣火與土與計一類分聚也若金星居中貴氣所屬以之作命主金無餘氣理應位冠羣僚如水土木火作命主非貴氣所屬又不近陽亦尋常人耳貴氣所屬又能近陽終嫌其爲餘星分竊僅列卿貳而已。

五列形也而氣存焉三四五星同坐一宮疎密勻停謂之坐列三四宮上疎密勻停謂之排列宜命主居中及高地猶四五人同坐居中者尊也疎密不勻謂之行列行列宜命主居前猶四五同行居前者尊居後者卑也居最後而有計羅攔轉則非後也乃前也又上尊也儼然旌旗導引士卒擁衛之象命主獨居一宮兩傍有官魁夾官魁有日月夾日月又有四餘包裹謂之主列自是左右並輔文武環護之象或待漏於端門或拜拱天門皆妙太陽同三政一餘在一連四宮太陰同三餘一政在一連四宮獨空中四宮惟命主居之謂之中列自是超羣出衆獨立寡儔之象。

命主朝君命餘覲后此爲陰陽和會大都貴顯。

或十一曜拱命垣或計羅攔截或空四正或空三方或空對兩宮或空子午丑未或空卯酉辰戌或居三隔三或守一空一皆貴氣所屬亦宜留意。

或七政歸垣或七政陞殿或五星齊與日有關照或五星齊與月有關照亦屬罕觀均宜細審。

有謂木氣之入子丑。金之入寅亥。水之入卯戌。火之入辰酉。土計之入巳申。木氣之入午。土計之入未。所主者之宮。究竟受傷。此亦宜泛泛參觀。兼按時度勢。不可執泥。立命於子。木獨守命。立命於寅。金獨守命。現在皆作卿貳矣。必欲一一執泥焉。庸有當乎。

童限或十歲出。或二十歲出。其在童限中。即將所立之度。逐年換查。如度是木。木原與日通。童限中即剋父。度是土。土原與月通。童限中即剋母。度是吉氣所鍾。童限中即發度。是凶氣所會。童限中即亡。

女命與男命略同。所異者命主之外。尤以夫星子星爲重。從夫子星之生剋制化。及經絡貫串沖攔拱夾。上細細推求其貧富貴賤。亦相應如響。

雙生之別。命主太旺。幼者勝。命主太弱。長者勝。命主不旺不弱。長幼略同。又長主政。幼主餘。政餘恆不類。則長幼亦多異。

大吉大凶之命。一望而知。易於推算。若中立之輩。只可斷其大概。必謂當爲某等人。不作某等業。豈未知士農之子長爲士農。工商之子長爲工商乎。

一日不過十二時。所產何止數萬人。雖五方風土不齊。要亦大率相類也。大富大貴之命。往往不重生。而貧賤者恆層見疊出。何歟。蓋天地之精華。獨醞釀於此日之一時。譬諸祥麟彩鳳。原不多見。若泛泛化生。

於陰陽五行。不啻吠犬鳴鷄。何地無之。限度雖極危。其氣未盡。即不死。限度雖尙穩。其氣已盡。即必死。

大貴之人。常在極吉之度死者。何也。其氣盡也。且當受身後之榮也。若至凶度而死。必罹禍患矣。非其命所應有也。

命只合得一科第。弱冠得之。其氣已盡。即死。命必至一二品。雖六七十歲外。其氣未盡。必候到此地位。纔死。

有兩人之命。皆宜位至二品。一人於三二十歲時。猝於數年間。超擢至二品。其氣已盡。即死。一人歷久不陞。即陞亦循序漸進。遷延至六七十歲。得之。其氣不盡。總不死。

有中年忽然挫折者。如氣正未盡。可決其復起。如氣或已盡。即判以終身。死生本有定數。而非所論于自取。嘗讀孔子之言而爽然矣。曰。寢處不時。飲食不節。勞佚過度者。疾其殺之。居下位而好干上。嗜欲無厭。求索不止者。刑其殺之。少以犯衆。弱以侮強。忿不量力。兵其殺之。此三死者。非其命也。人自取之。

乾元祕書內載七曜性情吉凶。及所屬陰陽。所屬晝夜。皆于命理無關。故不錄。

元星變化云。命之主星。最嫌洩氣。洩氣之輕。多招災禍。洩氣之重。不免死亡。此說似乎太拘。終於不探。

元星變化云。如甲與己合。看合何星。若官祿則得祿。疾厄則多疾。合著恩星。自爲有用。合著難星。不無受制。此說亦微有驗。姑以存參。

魁科文三星。其用不同。天官經云。魁官穿度。早步青雲。魁度逢官。陞廷司諫。官魁拱命。馳馬乘風。是魁主。

二年該五度二十七分有奇。

三年該八度十分有奇。

四年該十度五十四分有奇。

五年該十三度三十八分有奇。

六年該十六度二十一分有奇。

七年該十九度五分有奇。

八年該二十一度四十九分有奇。

九年該二十四度三十二分有奇。

十年該二十七度一十六分有奇。

十一年合計三十度。

某宮行幾年。惟七年八年十一年。尤須逐年扣清。特另開於右。

風憲無疑。推而廣之。內至兵刑都察院等官。外至督撫按察司等官。皆作魁論。文不獨科第然也。總裁主試房考。舉差內而司成等。外面教職等。皆以文論。倘不得氣。又微與命主有關。雖老於諸生。亦應有文名。科名升殿朝陽。兼日月拱夾。可以問鼎。天一生水。水作科名。更妙。有謂科名與陽隔一度。中第一隔二度。中第二隔三度。中第三隔三度外。尚與日同度。亦可館選。又有謂魁守命坐度。與所立之度數。相隔一二三。卽以此定廷試之名次。二說皆驗。當參觀而得之。

有壬年人行柳上煞度。館選者。查文日科水皆在女躔。則柳度正收科文陽君貴氣。不可概論煞也。又有壬年人行女士煞度。館選者。查科水在女躔。日月夾之。則女度正收科名貴氣。又科名頂度。不可概論煞也。有庚年人行奎木煞度。居大位。掌重權者。查原木與氣沖照。已經合化。天官金與太陽俱在斗躔。則奎木乃天官與太陽貴氣所通故也。有辛年人行婁金煞度。館選者。查金卽科名。木在陽躔。則卽以科名近陽也。總之七煞止忌其混官。既不混官。則另視其氣之所併而已。蓋卽一星常在數用。一用亦有不同之理。特因煞而載詳之。

七年每月行二十一分。零兩個月。零二十四日。行一度。

一年該四度十七分有奇。

二年該八度三十四分有奇。

三年該十二度五十一分有奇。

四年該十七度八分有奇。

五年該二十一度二十五分有奇。

六年該二十五度四十二分有奇。

七年合計三十度。

八年每月行十九分。缺三個月。零六日。行一度。

一年該三度四十五分。

二年該七度三十分。

三年該十一度十五分。

四年該十五度。

五年該十八度四十五分。

六年該二十二度三十分。

七年該二十六度十五分。

八年合計三十度。

十一年每月行十三分。零四個月。零十二日。行一度。

一年該二度四十三分有奇。